

22.03.2021թ.

ք. Երևան

ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 004784 /09

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 22.03.2021թ. թիվ _____ վարչական իրավախախտման վերաբերյալ արձանագրությունը, քննելով թիվ _____ վարույթը և կից նյութերը,

ՊԱՐԶԵՑԻ

«ՀՀ ԱՐԱՐԱՏԻ ՄԱՐԶԻ ՆՈՐ ԽԱՐԲԵՐԴԻ ՄՆԱՑԱԿԱՆ ՂԱԶԱՐՅԱՆԻ ԱՆՎԱՆ Հ.2 ՄԻՋՆԱԿԱՐԳ ԴՊՐՈՑ» ՊՈԱԿ-ի տնօրեն Սոնա Ամիրջանյանը (ՀՎՀՀ՝ 03804245, հասցե՝ ք. Երևան, Արաբկիր, Խաչատրյան փող. 202., բն. 40) ՀՀ Հարկային օրենսգրքի 75-րդ հոդվածի 1-ին մասով սահմանված ժամկետում չի ներկայացրել 2020թ. դեկտեմբեր ամսվա ԱԱՀ-ի և ակցիզային հարկի միասնական հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը ներկայացրել է բանավոր առարկություն առ այն, որ իրենք հանդիսանում են պետական ոչ առևտրային կազմակերպություն, շահույթ չեն հետապնդում, ուստի պարտավորություն չեն կրում ներկայացնելու 2020 դեկտեմբեր ամսվա ԱԱՀ-ի և ակցիզային հարկի միասնական հաշվարկը:

Գործի քննության ընթացքում կատարված ուսումնասիրությունների արդյունքում պարզվել է, որ Սոնա Ամիրջանյանը կրում է 2020թ. դեկտեմբեր ամսվա ԱԱՀ-ի և ակցիզային հարկի միասնական հաշվարկը ներկայացնելու պարտավորություն, սակայն վերը նշված հաշվարկը ներկայացնելու դեպքում հարկի գումար չի առաջանա:

Հաշվի առնելով վերոգրյալը, և նկատի ունենալով, որ վարչական իրավախախտումը նվազ նշանակություն ունի, ուստի ղեկավարվելով Վարչարարության հիմունքների և վարչական վարույթի մասին ՀՀ օրենքի 43-րդ հոդվածի 1-ին մասով, Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով՝

ՈՐՈՇԵՑԻ

1. Սոնա Ամիրջանյանին ազատել վարչական պատասխանատվությունից և հայտարարել բանավոր դիտողություն:

2. Սոնա Ամիրջանյանի վերաբերյալ հարուցված թիվ _____ վարչական վարույթը կարժել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ զանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել զանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: